

სამაუწყებლო კონცეფცია – “რადიო გურია”

1. ზოგადი ხედვა

რადიო „გურია“ არის რეგიონული მაუწყებელი, რომელიც ემსახურება გურიის მოსახლეობას – მათ შორის, ოზურგეთის, ჩოხატაურისა და ბახმაროს ტერიტორიაზე მცხოვრებ მოქალაქეებს. რადიომაუწყებლობა ხორციელდება საზოგადოებრივად მნიშვნელოვანი და მრავალფეროვანი შინაარსის პროგრამების წარმოებით.

მაუწყებლობის მიზანია მოსახლეობის ინფორმირება, დემოკრატიული პროცესების მხარდაჭერა, ადგილობრივი კულტურის, ფოლკლორის, ისტორიის პოპულარიზაცია

2. თემატური სპექტრი

2.1 ახალი ამბები (სავალდებულო)

- ყოველდღიური საინფორმაციო გამოშვება სახელწოდებით „გურიის ახალი ამბები“ (დღეში მინიმუმ 3 გამოშვება)
- ოპერატიული ახალი ამბები ადგილობრივ, რეგიონულ და ეროვნულ დონეზე
- ფაქტების გადამოწმების პრინციპზე დაფუძნებული ჟურნალისტიკა

2.2 საზოგადოებრივ-პოლიტიკური პროგრამები (სავალდებულო)

- გადაცემები ადგილობრივ პრობლემებზე, თვითმმართველობის საქმიანობაზე, მოსახლეობისთვის აქტუალურ თემებზე;
- საზოგადოებრივ-პოლიტიკური თოქ-შოუ (დისკუსიები, დებატები);
- გადაცემები ბიზნესზე - პოდკასტები “ბიზნესი და რეგიონები”

2.3 კულტურა და მემკვიდრეობა

- გადაცემები გურიის ხალხური კულტურის, ისტორიის და ფოლკლორის შესახებ (თანამშრომლობა ადგილობრივ ფოლკლორის ცენტრთან, თეატრთან, შემოქმედებით კოლექტივებთან); განსაკუთრებით აღსანიშნავია მომავალი თანამშრომლობა ადგილობრივ თეატრთან. იგეგმება რადიო სპექტაკლების ჩაწერა. თვითონ თეატრს აქვს საკუთარი, კარგად აღჭურვილი რადიო სტუდია, სადაც ჩვენი დახმარებით მოხდება ჩაწერა და მზა პროგრამის გაშვება ჩვენი რადიოს ეთერით;
- ახალგაზრდული კონკურსები და ლოკალური შემოქმედებითი პლატფორმები;

2.4 საგანმანათლებლო და ახალგაზრდული კონტენტი

- სკოლამდელი და სკოლის ასაკის ბავშვებისთვის საგანმანათლებლო რუბრიკები;
- კარიერული ორიენტაციის გადაცემები ახალგაზრდებისთვის (თანამშრომლობა ადგილობრივ კოლეჯთან)

2.5 გარემო და სოფლის მეურნეობა

- ეკოლოგიური ცნობიერების ამაღლება;
- ადგილობრივი ფერმერების მხარდაჭერა და აგროჟურნალისტიკა;

3. მაუწყებლობის ორგანიზება

- მაუწყებლობა ხორციელდება ყოველდღე, მინიმუმ 18 საათიანი სამაუწყებლო ბადით;
- გადაცემების განრიგი განთავსდება ვებგვერდზე და **Studio-to-Transmitter Link (STL)** გზით მიეწოდება სამივე გადამცემი სადგურს ერთდროულად, დროში სინქრონულად;
- პრიორიტეტია დამოუკიდებელი სარედაქციო პოლიტიკა, ეთიკის კოდექსის დაცვა და მრავალმხრივი მოსაზრებების წარდგენა.

4. შესაბამისობა მარეგულირებელ დოკუმენტებთან

რადიო „გურია“ სრულად შეესაბამება რადიომაუწყებლობის პრიორიტეტებს, განსაზღვრულს GNCC-ის 2024 წლის 11 ივლისის №გ-24-21/299 გადაწყვეტილებით; პროგრამული ბადე აკმაყოფილებს მაუწყებლობის შესახებ საქართველოს კანონის მოთხოვნებს – მათ შორის თემატურ მრავალფეროვნებას, პლურალიზმს და საზოგადოების ინტერესზე ორიენტირებას; მაუწყებლობა არ შეიცავს სიძულვილის ენას, დისკრიმინაციას ან ცრუ ფაქტების გავრცელებას.

5. დამატებითი ასპექტები

- გადაცემების ნაწილი მოიცავს აუდიოდამუშავებას და ხელმისაწვდომია ვებზე (streaming), რაც ზრდის არხის დისტრიბუციის შესაძლებლობას;
- იგეგმება თანამშრომლობა ადგილობრივ ორგანიზაციებთან და სკოლებთან, კოლეჯთან თემატური პროექტებისთვის;
- განსაკუთრებული თანამშრომლობა იგეგმება ტელეკომპანია „გურიაTV“-სთან, რომელთან ერთადაც მოხდება ერთობლივი მედია პროდუქტების შექმნა და კონტენტების გაცვლა;
- იგეგმება თანამშრომლობა საქართველოს რეგიონულ მაუწყებელთა ალიანსთან, რომელიც თავის რიგებში აერთიანებს როგორც რეგიონულ ტელევიზიებს, ასევე რადიოებს. იგეგმება ამ ალიანსში გაწევრიანება, რაც დაეხმარება ორგანიზაციას გახდეს უფრო მდგრადი, ხოლო მისი პროგრამები უფრო მრავალფეროვანი;
- განსაკუთრებული ყურადღება დაეთმობა ენობრივ სიწმინდესა და კულტურულ მრავალფეროვნებას.

6. კადრები

მიუხედავად იმისა, რომ გურიაში რადიო არ ფუნქციონირებდა, ჩვენ მაინც მზად გვყავს კადრების გარკვეული რაოდენობა, რომელთაც სულ მცირე გადამზადება დაჭირდება.

მთავარი რესურსი არის ტელეკომპანია "გურიაTV"-ის თანამშრომლები. კერძოდ ინჟინერი, მემონტაჟე და წამყვანი ჟურნალისტი. ასევე უნდა აღინიშნოს, რომ ორი წლის წინ "გურიაTV"-მ სპეციალური პროგრამის ფარგლებში მოამზადა 8 ახალგაზრდა რეპორტიორი, რომელთა ნაწილი დღეს მზადაა ითანამშრომლოს ჩვენს რადიოსთან. ჩამოთვლილ კადრებს გავლილი აქვთ მომზადება მედიის ძირითადი მიმართულებებით. რაც შეეხება რადიოს სპეციფიკას. შეთანხმება გვაქვს მაუწყებელთა ალიანსის ერთერთ წევრთან, ფოთის რადიოსთან, სადაც მოხდება ჩვენი კადრების გადამზადება.

დირექტორი:

ჯაბა გველებიანი

